



**PRINS LEY
PRINSES ANNIE**

**Hey, hey, hey
Hie kumtj Prins Ley !!!**

Wastelaorundj 2002

**JEUGDPRINS DIRK
JEUGDPRINSES DANIËLLE**

**Met de €uro ômmek
doon wae drie daag gek**



PROKLAMASIE VAN PRINS LEY

Ich, regerendj Prins van het Moerelandj,
 Gebore as echte Moereboek, oppe Hoeëgstroat, vlak bie de Fuus,
 Net 25 joar getrouwdj met Annie,
 Vader van Annemarie en Chris,
 Teler van hoofdzakelik êrpel en bloomebûl,
 Baritonsaxofonist bie de fômfaar,
 Leefhûbber van lekker aete en ein good gevûldj glaeske,

Verkloar bie deze:

Det ich dit joar as 51^{ste} prins zal regere euver het sjoeëne Moerelandj
 Det ich doaveur de orde van de Bloomebol instèl
 Det de Hoeëgstroat de kômmandje tieëd ômgeduipjt is tôt Prinsestraot
 Det de fômfaar veurluipig allein mer vasteloavesmuziek zal speule
 Det het werk op het bedrieëf de kômmandje waeke door angere gedaon môt waere
 Det ich alle minse oet het Moerelandj oppe resepsie verwacht
 Det ich dervan oetgoan det de Bôntje Aovundj en de optocht auch dit joar hieël geslaagdj zulle zeen
 Det ich hoop det de minse die aan de optocht bouwe neet teveul allein hove te pôngele
 Det ich verwacht det het Bacchus Broedersjap dit jaor de wage neet kuint mer zelf aan het werk geit
 Det ich eederein eine sjoeëne vastelaovundj toewins
 En det wae veul same zulle rôndjtrekke ônger mien motto:

Hey hey hey, hie kumtj Prins Ley !!

WEURDJE VANNE PRINS

Wie ich dit stûkske sjreef, wiste nog neet veul minse in Ell det ich de noewe Prins zoeëj waere. Ômdet de Kwakel al met 't Prinsebal bie de drûkker môst ligge, hûb ich dit stûkske dus eigelik gesjreve as "prins inne maak". Ich wil beginne met de prinsepare van veurig joar: Dick en Miny en Sven en Daphne hertelik te bedanke veur heure inzet bie het vieftigste jaor vanne Moerebuuk. Bedanktj: 't waas aaf!

Toen eine van het prinsecomité ein aantal waeke geleje bie ôs kwaam, dacht ich iêrst: dae kumtj eine zak erpel koupe. Mer dao kwaam hae neet veur. Hae vroeg of ich mich nog kôst herinnere waat ich ettelikke jaore geleje haaj gezagdj wie hae mich vroeg ôm Prins vanne Moerebuuk te waere. Ich zoeëj toen hûbbe gezagdj: vraog mich euver ein jaor of tieën nog mer ins, as de kinjer get groeëter zeen. Det waas dae man dus neet vergete. Doabie môt ich zegge det Annie en ich het der de lêste jaore inne vasteloavestieëd waal oeëts euver gehadj hubbe. Het zoeëj ein belaevenis zeen: det prins waere. Doaroom hûb ich mêt dae man van het comité neet lang hove te kalle. Ich woeëj de prinsemûts dit seizoen opzette.

Toen is der hieël veul gebeurdj. Vergaderinge met het prinsecomité woeë ze mich oetlagte waat vanne prins en de prinses verwachtj weurdj. Auch mêt mien adjudante hûbbe wae hieël get vergaderdj: euver het oetkome bie het Prinsebal. Wae hûbbe ôngerein al veul lol gehadj, auch al is november en december eine drûkke tieëd inne bloomebûl.

Ich maag de kômmandje tieëd de scepter zweije euver ôs sjoeëne moeërelandj en dao bin ich gruuëts op. Same met prinses Annie, mien adjudante Har en Mies met heur vrouwluj zulle wae ôs bêst doen ôm der ein sjoeën vasteloavesseizoen van te make. Ich hoop det ederein, groeët en klein, zich lieëtj zeen en huuëre. Eederein dae op waat veur maneer met de veurbereijinge vanne vasteloavesaktiviteite bezig is, wins ich veul sukses, mer veural veul plezeer. Eine gooje vastelaovundj allemaol en mocht gae het nog neet wete:

Met die daag goan ich met miëen gevolg veurop ônger het motto

HEY HEY HEY, HIE KUMTJ PRINS LEY

De Kwakel

Gein voetbal vandaag?

Ronald van Roy zag tege Carolien, 'Zal ich eine kieër toeës blieve en neet gaon traine?' Carolien maakdj zich drek groeëte zûrg en dacht 'waat gebeurjd mich noe? Wiltj-dae veur mich toeës blieve?' Mer ze vônj het waal gezellig en reageerdje dus mer neet inne hoop det Ronald het meindje. Toen de avondj einmaal aangebroke waas zat Ronald zich veur de televisie en ging ... voetballe kieke!! 'Nou', zeet Carolien, 'doe bês auch eine gezellige'.

Woeë-op Ronald raageerdje, 'As-se geine voetbal wils kieke den zees-se het mèr, den gaon ich bove kieke ...!'



Weurdje vanne Vorst

Nao aanleiding van de leden-vergadering van november bleeke der get misversténj te bestaon euver de funktieverdeiling binne de carnavals-vereniging. Sinds ôs vastelaovundj-vereniging statuten heet (1991) is de funktie van vorst en veurzitter gecombineerdj oetgeveurdj. In feite is det gein gooj situatie. In de organisatie van de vereniging is 't baeter det de veurzitter van 't bestuur en de vereniging los steit van de oetveuring door de Road van 11 mèt Prins en vorst. En den hoove wae 't nog neet te hûbbe euver de belasting die zoeën dûbbel-funktie bringjt veur eine persoeën. Ôm dees reje heet de vorst oppe jaarvergadering van 2000 zien funktie van veurzitter besjikbaar gestêldj, anges gezagdj: hae wiltj neet veurzitter mieër zeen en vreugtj emes anges ôm die funktie op zich te numme. Tôt op heden is binne 't bestuur nog nemes gevônje dae dees toch belangrieke funktie euver wiltj numme. Zoeëlang der nemes gevônje is, numtj de vorst de veurzittersfunctie waar: hae zijtj de bestuursvergaderinge en leden-vergaderinge veur. Same met de euverige bestuursleje weurdj de agenda gemaaktj, zoeëdet de loupdj zake aevogood door kônne gaon. Wae hope det wae aan 't indj van 't loupdj seizoen toch nog emes bereidj hûbbe gevônje ôm de veurzittersfunctie in te gaon vulle. Det numtj neet weg det wae auch in 2002 der weer vol tegenaan gaon: ein kort seizoen mèt ôze 51s^{te} prins. Eine gooje vastelaovundj same!

Vorst Jan



Krachtstraum


Loes lieëndje ein heitelochtkenôn bie Crit en Gerrie. Noeë wirkdj det dink op krachtstraum en Sjaak haaj waal krachtstraum achter eine kast mer wist neet presies woeë. Dus hae boordje gewuën ein gaat inne hoop ôm zoeë het stopkontakt te vinje. Loes meudje-der zich auch mèt en op ein gegaeve moment haaje-ze al drie gate klaor, mer gein stopkontakt gevônje!. Den det heitelochtkenôn mer trûk gebracht nao Zwartbrook. De volgendje daag huuërdj Tonny het hieële verhaol aan en zeet tege pap, 'Achter det deurke zijtj det stopkontakt. Det is toen ekstra gemaaktj om aanne krachtstraum te kinne!' Wie zaat det noeë auch alweer; môtte de aoj die jông get lieëre, of angesôm?



Effe tenke

Pascal Knapen haaj nog 1200 bfr toeës ligge en dacht laot ich daoveur mer ins in Belsj gaon tenke. Toen het maedje bie de pômp aan hum vroeg, 'Euro 95?', antwoordje hae mèt 'jao'. Hiej-op goeëdj zie ziene tank vol. Wie-det de tank hieëlemaal vol zoot en det maedje de dop der op woeëj dreije zaag-ze det-ter met groeëte letters "DIESEL" op dae dop gesjreve.

Wie-ze det tege Pascal vertêldje, raageerdje hae met 'jao, det kloptj verdomme'. Hae heet toen vader Lei opgebeltj of dae astebleef mèt wat leeg cherry-cans nao Belsj woej kômme. Einmaal dao waerdje begônne met het leegzuige vanne tenk. Daonao heet-ter de tenk mer laote vûlle met diesel. Al mèt al is het toch neet veurniks gewaestj want veur die 1200 bfr en ein bitje mieër kan Lei de rest van zien laeve gratis zien graas laote meije.



advertentie

Gaotj-der ins get dèkker op oet

Bieveurbieëldj nao
De Prairie



Weurdje vanne redaksie

Veur uch liktj de Kwakel Jaorgank 50, weer eine Kwakel woeë hel aan gewirktj is. Wae meine detter van gooje kwaliteit is gewore en wae môtte toegaeave det we det auch aan uch te danke hûbbe. Hieël veul stûkskes zeen aangeleverdj door de minse zelf, woeëveur groeëte dank, en bienao allemaal zeen ze geplaatstj. Veur 't kômmentj seizoen; haotj de oeëre spits, sjriëft alles op en stoptj het inne kwakelbûsse inne Eller kroeg, veur noeë; veul laesplezeer!

De Kwakel is ein oetgave van het Kwakelcomité:

Jeanne de Louw, Elly Verstappen, Jeanne Schreurs, Thea van Bommel, Hub Peeters, Corrie Koolen, Paul Custers, Evert Koenen, Tiny Koenen

Vormgaeving en lay-out:

Huub Sentjens, Ard van Roy



advertentie

Schoonheidsspecialistes



Jeanne v/d Hagen
Mariet van Enckevort

Als gae der nog knapper oet wiltj zeen

Reparaties,
auto's
twieëdehands
of noew



Gaotj nao
Garage
Heemels
toe

Wisj-der :

- det Peter Konings in 2011 prins weurdj
- det wae det auch mer weer aaf môtte wachte
- det op ein gegaeve moment de vlag oet hing bie Piet vanne Sjink terwieël dao gaaroet nemes geslaagd waas mer
- det Bertie altied gezagdj heet det-se de vlag oet zoj hange as Mark vanne liëgere sjoeël aaf ging
- det wae Mark noe veul sukses winse in Belsj
- det de Sebastiaanstraot weer sjoeën verseerdj waas mêt de percessie
- det Jos waal ein bitje euverdreef mêt dae oranje wimpel ônger de vlag
- det menieër pestoeër ein tieëdje inne rolstool heet gezaete
- hae toen door het laeve ging as geistelik gehandikepdje
- det Tjeu vanne Kaolder ut eine kieër meuch waas en tege Matje van Siem zagt: 'Wae gaon same heives en ich gaon!'
- det Mart Kessels eine kieër ging zwumme mêt Anne in Nejewieërt
- det hae neet veul geldj mêt genome haaj want dao hûps-se behalve de entree neet veul nuuëdig. Mer den môsse gein 124 kilemêter per oor gaon rieje oppe Houtsberg!!!
- det-se den mer bêter waal geldj bie-dich kins hûbbe
- det Koos van Nies het aete vanne fanfaar culinair nogal lekker haaj gevônje
- det-ter het lêtterlik aan angere leet kieke wie het gesmaaktj haaj
- det die anger dao zoeë erg van sjrokke det de wien euer de bôks ging
- det op dae culinaire aovundj behalve het aete de drank auch good smook
- det Pê van Miet dao euer mêt kan kalle
- det-ter zunjessmûrges pas inne twieëdje helft inne gate haaj det-ter op veldj sting
- det Marlies eine noewe vrinjekrink heet opgebouwdj op Schansbeemden
- det die drek nao de ieërste kinnismaking op bezeuk kwome en zelfs achterôm mochte kômme
- det-se nao het massere vanne vrouw mêt tijgerbalsem dien henj môs wasse
- det Tinus dao auch achter kwaam wie-der zich After Shave woeëj opdoon
- det het mer good is det-ter neet môst Auwieë!!!
- det de wanjeltocht vanne volleybalclub eder jaor mieër minse trêktj
- det de fieëstaovundj veur de Moeërebuukmedewerkers weer zeer geslaagdj waas
- det dae aovundj gevûldj waerdje mêt veul laupe en get aete en drinke
- det de deilnummers in grupkes van post nao post door Ell gesteurdj waerdjen
- det Ron van Miet auch eine post bemandje bie de sjoeël en veul kaoj leej
- det Mia van Piet det zaag en hum ein deke bracht
- det Leon van Kessels det auch zaag en hum ein tas koffie bracht
- det Leon dao bêst effe veur achter de kompjoeter oet woeëj kômme (Fien waas toch weer aanne beurt)
- det ein bezûrgdje vrouw aan Mia vroeg, 'wat is det, de euvergank?'
- det Mia toen antjwoordje, 'den is het net of det-se in veur en vlam steis, mer den anges!'
- det Broer blauw water inne vijver heet
- det det kumtj ômdet dao inkvêsse in zwumme
- det Harie van Seerden eine kieër geldj nao de bank ging bringe
- det-ter wie-der weer toeës kwaam ziene auto misdje
- det-ter dae auto neteurlik bie de bank haaj laote staon



De bèste smoes

Harm haaj zich verslaope. En det terwieël hae oppe sjoel met de consersj de innigste is dae eine sleutel heet van het lokaal met alle materiaal veur de les. Noe haaj dae consersj net vrieë en Harm waas-ter neet zoeëdet dae lieraar met zien klas neet vroetkos. Harm kumtj dus om ein oor of tieën aanzette en dae lieraar waas ongertusse het kookpuntj tamelik kort genaderdj. Hae vluugtj oet en zeet tegen Harm: 'Maessen, jongen, jij zult een verrekt goede reden moeten hebben om dit goed te praten.' Mer dao zaat Harm neet mèt, dae zag toen: 'Beste menieër, die reje hùb ich auch. Het is gister get laat gewore en de emoties zeen daobie auch nog tamelik hoeëg opgelaupe zoeëdet ich mich deze mürge verslaope hùb. Wae haje bie òs eine BMW gewónne in de Postodeloterie.' Zò'n smoes haaj dae lieëraar nateurlik nog noeëts gehueërdj en zò'n reje kónse eigelik auch neet verzinne. Hae môst Harm dus waal gluive en toen hùbbe ze der nog ins flink met gelache.



advertentie

KEPPER

Clown
Goocheliëër
Artiest
Entertainer
En nog veul mieër



Aafgelastj

In mieërt waardje de spoeëketocht aafgelastj òmdet het brook waas aafgeslote vanwege de MKZ. Veul deilnummers wille nao de tocht auch get aete, mer det ging dus noeë neet door. Dus môst Tjeu hals euver kop bie Ruud en Marleen het vleis en anger aete aafbestèlle. Hae beldje dus op nao de slegter, mer Ruud en Marleen wore der neet. Toen hee-ter het antjwoord-apparaat mer ingesproke, 'het vleis en anger aete wil ich aafbestèlle want de spoeëketocht geit neet door vanwege de verkespest!'



WIEZOEË KAOD?

Angelique van Kampwielke ging nao de speelgoedbeurs in Neeritter. Het waas zunig, en òndanks det het sterveskaod waas noom-ze toch die twieë wichter mèt. Nao veul gemertel kwaam-ze in Neeritter aan en bleek det-ze auch nog ieërst ein trap op môst. De aodste ging al vroet en Sjors pakdje-ze mer oet de wanjelwage en noom hum mèt oppe erm. Eindelijk waas-ze den toch binne en haaj-ze nog allebei de wichter bie zich. Inins vreugtj emes hieël verbaastj of Sjors het neet te kaod haaj. Angelique sjròk dao ein bietje van want Sjors haaj toch gewueën eine dikke



Pierre Cnoops

Het is Siem aafgeloupe jaor gelùktj om oppe dinsdigaovondj vanne vastelaovondj de zaak vol minse te kriege. Noeë môt Siem dao neet teveul ieër veur kriege want eigelik waas det nateurlik het werk van Henri en Berend. Zie haje daoveur gezùrgdj det Pierre Cnoops de weeg nao Ell weer wist te vinje. En as die twieë ex-adjudante get organisere, den gaon-ze der van oet det heure aod-Prins Siem niks anges duit as dokke. Det haaj Siem wie hae in 2000 Prins/Prince waas auch zoeë gedaon. Wie det het zaelke volstroumdje met minse van alle laeftieje, alle rangen en standen, woord det gezicht van Siem nateurlik steeds breijer. Hae haaj gooje aard, dae aod-Prins, 'Want,' zoeë zagt Siem 'dit is de ieërste kieër sinds ich hie in dees café zit, det ich vastelaoves-dinsdig môt werke.' Jae Siem, het kan dich auch oeëts verasse en den môs-se zelf aanne bak.



Good geroke

Op eine aovondj kwome twieë brandjwaerautoos volle gelaot door de Sebastiaanstraot en reeje richting Lemmenhof. Rianne en Mart hinge oete raam bove en dachte efkes det Tjeu van Marleen van Kampwielke weer bezig waas. Mer toen meindje Rianne het zeker te wete en zagd, 'Ich ruuk brandj richting Lemmenhof'. Achteraaf bleek het inderdaad van Lemmenhof aaf te kòmme, mer det waas vals alarm. De moraal van dit verhaal is det weer beweze is det tiejes de zwangerschap het reukvermoge op ein hoeëger peil liktj.

Mer ein bietje zaat

Piet van Nol zaat weer ins aojerwets inne Prairie op eine kruk, ein bietje aangesjote en zoeë-as waal ins gebeurdj mèt ziene kop oppe tap. Wiedet zien brein het sinjaal doorgaaf det-ter weer ins môst drinke, kwaam het kópke langzaam omhoeëg en ging zien handj automaties nao het pôtje beer dacht hae. Hae drònk eine kieër rojaal en toen ... '.. miljaar!'. Bleek hae flink van het pôtje knoflooksaus gedrònte te hùbbe. Woeë kal-se euver, det is toch lekker!?



advertentie

VEUR ALLE VERZEKERINGEN



OF NAO VEGIO
OF NAO LEON KNAPEN

AUCH VEUR
UCHE HYPOTHEEK



Ein fleske wieën
of ein kratje beer
Of ein anger drenkske
veur toeës

Bacchus heet
vanalles in hoeës

Koningspaar

Menieër pestoeër Keller is lid van de sjütterie en waas in 1998 auch keuning van dees vereniging. Gae wètj allemaol wie hae toen opveel as hae vrindjelijk lachendj, knikkendj en neigendj nao de brave bûrgers naeve de weeg, altieëd met de gooje voot op 't gooje moment veuroet, in de optocht mètleepe. Nao de vastelaovesmès afgeloupe jaor woeëj deze ex-keuning oppe foto met de ambtsdragers van de vastelaovundj 2001. Hae vreugtj dus aan fotograaf Alfons, '(vrie vertaaldj) ich wil gaer nog ein foto van mich allein met het keuningspaar'. Dick en Miny wore tamelik gevleidj want ze haje neet gedachtj det-ze zoeë gauw promotie zôje make. Mer bie pestoeër geldj auch: woeë het hert vol van is ...



Emes vroet helpe

Cor van Stiene riedj op ein gegaeve moment mèt ziene trakter en ein ker der achter door het dûrp. Bie het kruuspuntj aangekômme geit het weer mis, namelijk de ker sjuutj veur de zoeëvelste kieër los. Cor waas toch bienao toeës en zocht ein touw op ziene trakter om die ker ein bietje prôfesories weer vast te make, mer hae vônj niks. Toevallig kwaam Henry van Loes der bie oet en dae haaj ein idee. Henry sloopdj de draagreem van ziene rûkzak aaf om die ker vast te binje. Wie Cor weer einmaal verzichtig op heives aan reej, reej Henry achter hum aan en wat hông dao achter aanne ker? Juist, ein groeëte bûssel touw!



Neet te kinne

Marlies wiltj eine kieër nao het sloeëte vanne café nog gauw efkes Jur, den hondj, oetlaote. Ze haaj neet zoeë snel eine jas bie de handj dus leet-se zich verleide om de jas van Leike B. aan te trêkke en auch zien mûts op te zette. Mer dae hândj trapdje dao absoluut neet in. Marlies waas veur hum onherkinbaar gewore en loesterdj veur geine mêter mieër. Duit-ter det anges waal den?



advertentie

GARANTMARKT HEIJKERS

Veur alle
dagelikse
boeëdsjappe



SLAGERIJ RUUD EN MARLEEN HEIJKERS



Vers vleis
Kant-en-klaar gerechte
Barbecues
En nog veul mieër

Nog net oppe tieëd

Joost haaj veur de iërste kieër ein voetbaltoernooi. Jean zagt tege Bart, 'Zölle wae ins gaon kieke nao ôze zoon?'. Bart zoog det waal zitte en same toge ze dae daag nao Wieërt want ze haaje gehueërdj det Joost op Moezel môt voetballe. Dao aangekômme waas geine Joost te bekinne. Ze kreges van eine mins te hueëre det-se in Thoeër môte zeen, dao waas auch ein toernooi veur die kleintjes aanne gang. Bart waas drek al get lestig euver dees vergissing en woeëj lever op heives aan, mer Jean hooldje-hum euver om toch door te riejie nao Thoeër. In Thoeër aangekômme steit Jo vanne Kaolder al te lache en zagt, 'Waat kômjtj-gae hie doon? Joost is mèt zien team in Zwarbrook aan het voetballe!'. Bart waas weer iets pissiger gewore. Mer good, toch mer op Zwarbrook aan gereje woeë ze al twee kieër langs wore gekômme!. Einmaal dao waas-ter toch nog eine trueëst; ze kôte nog net de lêste wedstrieëd van Joost zeen.



advertentie

DE VIER SEIZOENEN



veur alle greuntje
auch veur moere

Eeder ein bietje stookhout

In de Scheyvenstraot zeen afgeloupe jaor de buim omgezaegdj omdat die de bouwvakkers van die noeëw hoezer tezieër inne weeg stinge. De minse van "De Risse" die nome die taak op zich en al gauw loge-der hie en dao staepelkes van die knabbe langs de weeg. Neet lang want det hout môt dao wêg en dus waerdje-der twee vrouwe ingesjakeldj mèt ein kruker. Zoeëdoondje weite-we det ônger angere Truus en René der werm bie zölle zitte de zwintjer. Mer neet al het hout bleef inne Scheyvenstraot achter. Namelik Jo van Beurskens wirkjtj bie "De Risse" en ging gauw nao Cor en Thea vraoge of die mesjen auch hout woeëje veur bie de ope haard inne tuin. 'Jao', haaj Thea gezagtj, 'ein paar knabbe, mer neet te veul want det kinne wae nûrges laotel!'. Effe later kûmptj Jo trûk mèt ziene maat en waerdje dao ein ganse ker stookhout opgekieptj veur de graasjport. 'Jo, waat dui-se mich noeë!?', zeet Thea, 'Zoveul kinne wae toch neet gebroeëke haaj ich gezagtj!'. Jo raeegeerdje op zien meneer, 'Eine wage is eine wage!'. En as Jo det zeet den is dao de kous mèt aaf. Cor en Thea hûbbe toen mer hie en dao inne buurt get knabbe wêg gegaeve. Zoeëdoondje is det hout toch nog good verdeiltj ônger de minse.



Wisdjen al

- Det Miek vanne sjilder slecht oplètj asse ze hel achteroet rietj vanaaf heur oprit
- Det de stagiaire oppe basissjoeël dao euver mèt kan kalle
- Det die den auch vuel sjaai aan heure bie Miek inne straot geparkeerdje auto haaj
- Det âs Ron van Miet op dônderdig nao de training te lang blijft hange, hae den 's nachts slaopwanjeltj.
- Det hae den bie de buurvrouw wiltj gaon plassen
- Det Jacqueline nog net kôt veurkômme det der in zien ôngerbôks de straot euver ging



advertentie

HENDRIKX-VAN GEMERT



BESTRATINGEN

OASIS

BLOEM - KUNST - KADO



Veur als gae
eemes anges
of uchzelf
wiltj verrasse



Leef Moerebuuk,

Waat waas het eine fijne vasteloavundj: dit haaje wae veur gein **GOUD** wille misse. Noeë, ein joar later, geit het laeve weer gewuuen ziene gank en liektj alles weer "**NORMAAL**". Veur ôs weurdj het noeëts mieër echt normaal, want dao blijftj ein herinnering die wae noeëts zulle vergaete. Daorôm wille wae alle minse van Ell, mer in het biezûnj der adjudante Wiel en Thijs en nateurlik Annie en Toos, vorst Jan, de leeye vanne Raod van Elf en alle muzikante bedanke. Ze hûbbe same met ôs de vasteloavundj van 2001 tût éin groeët fieëst gemaaktj. Restj ôs nog de prins en prinses van 2002 eine hieële feine vasteloavendj toe te winse.

BEDANKTJ !!



America

Judy en Frank haaje ein paar daag ontspanning gebooktj inne Loohorst in Horst-America. Get aete, get ligge, get zwûmme, get sloope, get drinke, och gae kintj det waal. Frank haaj ziene mobiele mètgenooime, want as-se der eine hûbs, den mósse dae auch mèt'nûmme en bie dich houje. Op ein gegaeve moment geit de gsm aaf. Frank is benoewdj weem det hûm hie beldj. Hae numjt de telefoon op. Het is de makelaarster. "Ich bèl uch ômdet gae hûbtj laote weete det gae messijen waal geïnteresseerdj in ein anger hoeës en noeë hûb ich wellicht veur uch get gevônje", zeet de makelaarster. En kalt zoeë nog effe door. Ôm weurdj zitte die tenslotte noeët verlaege. Halverwege het gesprek vreugtj ze of det ze hopelik neet steurtj want ze huurtj oppe achtergrônd get lawaai. "Oh nae" zeet Frank, "wae zeen op vakansie". "Wat leuk", zeet de makelaarster, "woeë zeet gae den hèr, als ich vraoge maag". "Wae zitte in America", zeet Frank. Anne angere kantj is het effe stil. "Den bel ich waal terûk as gae weer thoeës zeetj", zeet de makelaarster, "want anges weurdj dit gesprek veul-ste deër".



Applaus

De dames van "gymclub Bie Tjeu" haaje zich dein en danger ins good aangekeke en wore tot de konkluzie gekômme det-se toch allemaol get te hel getraindj haaje de lêste tieëd. Dao môste juist kalerieje bie kômme in plaats van alweer eine aanslaag plege op het lichaam. Daorôm waerdje beslote ôm de training op eine maandjig-aovundj euver te slaon en oet te gaon aete in ein restaurant vlak bie Maaseik. Einmaol dao gekômme zaat de stumming der al good in. Det is auch logisch want noeë mochte ze ein gans oor (en mieër!) vol zeivere tegeneuver anges mer ein kwarter van det oor. Aan ein anger taofel, neet wieët vanne dames aaf, zaat eine angere groep minse te aete. Dae groep bestông oet allemaol hieëre en mer ein dame die konstant het woord veurdje. Gae kintj uch dao get bie veurstêlle en nateurlik waerdje dao door de dames vanne gymclub den auch de nuuëdige grapjes euver gemaaktj. Op ein gegaeve moment waas die dame aanne anger taofel oetgesproke en begôste die hieëre allemaol te klappe. Zeet José van Dekkers: 'Sjenbaar heet-se net bekindj gemaaktj weem de vader is ...!'

advertentie

Zeuktj gae ein struikske, ein buimke of ein plantje veur in de tuin of achter de lamelle



Den motj gae zeker ins bie
Linders of Verhaag aanbelle

Geiteclub sjriktj wakker

't-Waas effe sjrikke in juli. Bestuur en leje van Geiteclub Saartje 7 waerdjen opgesjriktj door ein aktie van ein paar fervente geiteclubleje. Dees leje weze der ederein via eine poster in 't clublokaal op det in augustus 2001 de geiteclub 12,5 joar besting. Dao haaj 't bestuur en ein groeët aantal leje hieëlemaol neet mieër aan gedacht. 't Idee waas: de geit is doeëd en de club auch volges 't motto: **As de Geit geit, geit de club**. De geit geit neet mieër en sinds de wanjeltocht inne Groeëte Pieël in 1998 waas der niks mieër georganiseerdj. Mer de kamikaze-aktie van dees veurtreffelike geiteclubleje heet geleidj tût ein spoedvergadering van 't bestuur op 't terras van 't clublokaal en tût ein ledewerf-aktie woeëdoor der noeë weer rôndj de viefdig leje min of mieër aktief zeen. Dao zeen zat vereiniging in Ell die neet zoeëveul leje hûbbe. Daobie zeen auch nog allein die leje geteldj die de contributie van 2001 betaaldj hûbbe. Bie de herdinking van 12,5 joar geiteclub is auch weer beslote tût aansjaf van ein witte geit. In 't veurjoar van 2002 zal 't daoveur aangeweze comité op zeuk gaon nao ein sjoëen witte geit met stambaum en papere. Dao zeen op dit moment nog forse discussies euver woeë die Witte Geit heur ôngerkomme kriegtj. De vate beer van de kandidate vlege ônger de taofel: mer de veurzitter (en met hum 't hieël bestuur, auch Miek) is onkreukbaar, integer en daobie absoluut neet ôm te koupe. Dus as gae dangerdaag bie Tjeu vanne Kaolder ein witte geit tûsse de rieëje zeetj loupe, den wêtj gae weem 't gelag (of gelach) betaaldj heet.



Raodj de foto



Weem is dees vrouw?

- A. Ein Jehova-getuuge
- B. Mevrouw Godschalk
- C. Lote-verkaupster vanne sjötterie
- D. Neet bekindj



Wat heet Nel noeë weer oetgevraete?

- A. Te hel gefietsjt
- B. Gesjansjt met de pliesie
- C. Ze haaj gein achterlicht
- D. Ze haaj gezoope

advertentie

Elltaria



geweun de lekkerste friet en snacks
auch veur complieëte schotels



mook

motorongerdeile



Woeë heet dees vrouw boeëdsjappe gedaon?

- A. Bie Mook
- B. Bie de Sjruuër (zie colbert)
- C. Bie Naus in Hunsel
- D. Bie Dikke Pieër



Dick en Miny Culinair

La Huchette

6, rue de l'Eglise
6980 La Roche en Ardenne

Stephan et Bernadette
vous invitent à la découverte
de plaisirs gourmands.



Monsieur et Madame GOLDENBELD
PRINS VAN DE MOEREBOEK
HEIDOORNSTRAAT, 16

6041 RTE 40258109, 0501101

advertentie

Effe tûssedoor

Jo van Beurskes zitj in café Bie Tjeu aan 't buffet en Sjilder Sjaek kumptj binne. Tjeu: "Sjaek, eine sjoeske?" Jo: Jae, meinse det hae hie oppe bûs kumptj zitte wachte?"

Waat is het versjil tûsse ein prostitué, ein minnares en ein echtgenote?
Ein prostitué zeet: "Bèsse nog neet klaor?" Ein minnares zeet: "Bèsse noeë al klaor?" Ein echtgenote zeet: "Zulle wae de plafon weer ins laote witte?"

MAKELAARDIJ
VAN LIESHOUT

Als gae de koei-j wiltj verkaupe
Of als gae ein anger optrèkske zeuktj

Inne kasse van
Coolen



De Kwakel

Programma vastelaovundj 2002

Zaoterdig 19 jannewari
Prinse-receptie in zaal Ellenhof.
Aanvang: 19:30 oor.

Zunjig 27 jannewari
Kaartverkoop vanne Bontje Aovundje
in café Bie Tjeu vanaaf 10:00 oor.

Vriedig 1 en zaoterdig 2 fibberwari
Bontje Aovundje in zaal Ellenhof.
Aanvang: 19:30 oor.

Zunjig 3 fibberwari
Seniorenmiddig in zaal Ellenhof.
Aanvang: 14:00 oor.

Zaoterdig 9 fibberwari
Jeugdsleuteleuverdracht in de Mortel
in Ittervoort. Aanvang: 13:30 oor.

Zaoterdig 9 fibberwari
Carnavalsmès in Ittervoort. Aanvang:
19:30 oor (onger veurbewoud).

Zaoterdig 9 fibberwari
Sleuteleuverdracht in de Mortel in
Ittervoort. Aanvang: 20:00 oor.

Maondjig 11 fibberwari
Optocht door het tûrp. Opstèlle oppe
Kampstraat om 13:30 oor. De route is
als volgtj: Sebastiaanstraot - Antonius-
straot, Broekweg, Craenenstraot,
Brederkamp, Ellerveld, Swartbroek-
straot, Meidoornstraot, Magnolia-
straot, Seringenstraot. Om 17:00 oor
is de prieësoetreiking in zaal Ellenhof.

advertentie

COMPILOT

belettering

Pascal en Leon Knapen

Likt gae mèt uche fiets euverhaup ?



Gaotj den nao Albèr
Want dao zeen ongerdeile
en gebroeëktje fietse te kaup



Is der get neet in orde met
eur kat of eure hondj
Snel nao de dierenkliniek
want dao make ze die
weer gezondj


Dinsdig 12 fibberwari
Jeugdboorebroelôft. Om 14:30 oor
verzamelen op het plein. Nao het
aafhoole vanne broeëdegom en
broeëd is om 15:00 oor het huwelûk
veur de burgerlûkke standj in café Bie
Tjeu. Om 16:00 oor is het kirkelik
huwelûk in café De Prairie. Daonao is
receptie en groeët fieëst. Om 17:30
oor nûmme wae aafsjeid vanne
jeugdprins en jeugdprinses.

Dinsdig 12 fibberwari
Rôndjgang door het tûrp met de
traditionele aafsloëting in café Bie
Tjeu.

Kaertjes hole

Tegewoordig mósse-der as de kippe bie
zeen as-se kaertjes wils veur de Bontje
Aovundje. Nog efkes en den gaon de
minse tente opslaon veur de deur vanne
café om mer neet te laat aanne beurt te
zeen as de verkoop startj. Lien van Sjra
van Stiene waas auch eine kieër haost
te laat. Ze haaj zich toeës al in eine
roebel get gewasse en inne kleijer
gestoke om mer snel ein bunke te gaon
hole. Einmaal inne café sloot-se netjes
achter aan inne rieje. Ederein steit den
get te zeivere tege ederein (waat doortj
det lang en
zoeë...).

Lien wiltj
naturelik
auch get
vertèlle en
sjriktj zich
inne gang
te pletter
want pas op
det moment
kwaam-ze der
achter det-se heur ongergebit waas
vergaete!



advertentie

Wiltj gae noew tegelkes aanne moor?

En gae kintj det
zelf neet doon?



Den nao Peter v.d. Eerthweg.

advertentie

Champignonkwekerie Koolen



Veur de bèste champignons

auch al steit met dees daag alles oppe kop
miene service steit alitied veurop !!!

Tenieltechniek

Hub van Lunte



truck color design

Mûpkes

Eine vrachtwagenchauffeur heet der
aard aan om eedere advocaat dae der
zuutj omver te rieje. Asdet der eine
advocaot euver straot zuut laupe, den
slingertj der effe nao rechts tót-det-der
BOINK huurtj en riedtj den weer vrolik
verder. Op eine daag steit der eine
pestoeër te lifte en de chauffeur numtj
hum mèt. De pestoeër mót nao de kirk
vief kilomaeter verderop. Effe later zuutj
de chauffeur eine advacaot laupe en
automatisch slingertj-der nao rechts om
dae advocaat omver te rieje. Oppe tieëd
bedinktj de chauffeur zich det der eine
pestoeër naeve hum zitj en goetj het
steur weer nao links en raaktj de
advocaot net neet. Toch huurtj-der
BOINK. Hieël verbaasjd kiekj-der inne
spiegel mer zuut niks biezunjers. Hae
kiektj nao de pestoeër en zeet:
"Excuseer vader, mer ich haaj bienao
dae advocaat aangereje". "Det is waal
good miene zoon", zeet de pestoeër,
"ich hûb hum gelûkkig nog wete te raake
mèt de deur".

Twieë kaerels zeen aan het golfen. Dao
kumtj ein begrafenisstoet langs en ein
van die kaerels stoptj mèt golfen, paktj
zien pet aaf en hêltj deze tegen zien
hert. Als de stoet veurbie is zeet ziene
vriendj: "Det vindj ich ein hieël sjoëen
gebaar van dich". "Och" zeet de kaerel,
"det is toch waal het minste waat ich
veur heur kan doon nao 20 jaor
huwelik".

Wisj-der:

det-ter Vastelaovesmuziek gevraagdj weurdj veur bie Tjeu en Marlies
 det-dae mesjien te kriege is inne zaal
 det nemes waetj weem veurig jaor de kleurwêdstried heet gewônne
 det-ter veurig jaor auch gein foto inne gezèt sting van ôs Prinsepaar
 det-ter gein oetnueëging sting veur de Prinsereceptie in het Kontaktblad
 det wae neet weite of bezunigtj weurdj of det det gewueën vergaete is
 det-se môs oplêtte as-se in ein groeëte kas wirks
 det Jack dao auch achter is gekômme wie-der mèt zien autopet op zien moeël
 veel
 det-het veur jông aojers blijft winne ôm kinjer te hûbbe
 det-se al get dèkker get oppe kalender môtte sjrievê ôm niks te vergaete
 det Frans en Ans det auch môtte lieëre want die wore eine maontj te vreug oppe
 aojersaovundj van Tom
 det Bie Tjeu gein windbukssjete mieër weurdj gehaoje
 det-ter zichzelf boete sjot heet gezatte
 det René eine kieër twieë linkse sjoon bie zich haaj mèt voetballe, eine van zien
 aod en eine van zien noew paar
 det-ter dao zelf het helste ôm môst lache
 det (herhaling!) Siem nog steeds geine naam op zien Prinsester heet
 det det mesjien dit jaor good kumtj?
 det die vanne biljaarclub op babybezoek ginge bie Erik vanne Sjilder
 det Femke (= de baby) zelf de deur ope deej en vroeg 'mèt weem wiltj gae kalle,
 mama of papa?'
 det Miek auch Jeroen perficiat winsdje mèt de geboorte van Bjorn en
 det-se Jeroen inne gang eine gooje raad mèt gaaf 'Noe môsse mer gaon spare,
 kin-se hum sunjesgeldj gaeve die anger daag!'
 det Jo auch nao het Moulin Blues festival waas gewaestj in Ospel
 det dao volges hum veul boetelenjers kômme, allemaol Pruse en Duitsers!
 det Jean auch waal ins eine fax môt versteure
 det dae fax den iêrst bie Nol en let aankûmptj

advertentie

Zitj gae met de henj inne haor ?



Gaotj den nao Iris !

Baumkwekerie Moors



Altieëd bie de tieëd

Oppe vergadering euver de "kern"
 waerdje der door ein bekindje vrouw de
 vraag gestêldj woeërom det der langs
 het voetbalveldj nog steeds gein
 stroatlampe stônge. "Den bèsse toch al
 lang neet mieër mèt diene zoon nao het
 voetbalveldj gewaestj", zeet Hen
 Sleven, "want die staon dao toch al
 vanaaf 't veurjaor".



advertentie

STERK IN STAAL



DERCKX STAALBOUW

Grapje

4 homo's zitte in
 bad achterelkaar.
 Eine homo lieët
 eine scheet.
 Welke?



Oplossing: De lèste,
 omdat het gaat van de angere dicht
 zit.



advertentie

Hûbtj gae geine
talenknobbel

Custers
 Taaladviezen
 heet dae waal

Zoeë vader, zoeë zoon

Hieël lang geleeje, wie de minse nog te voet ginge, ginge Hub van Sijr en Jo vanne Schilder

nao Wieërt-kirmes oppe zoeëp. Nao aardig get pûtjes beer waas Jo aan 't vrieje en waas Hub Jo kwieët geraaktj. Hub ging ins rônjkieke, mer nao aardig get zeuke kôs hae Jo neet vinje. Dus noom-der het zekere veur het onzekere en ging heives laupe. Zoeë zaat as det der waas heet der zich gelagtj en ging slaope in ein portûlke. 's-Mûrges zeen ze vanoet 't tûrp gaon zeuke. Sjeng vanne Bekker oppe fiets, Harrie van Maessen oppe fiets en Sijr oppe fiets. In Wieërt aangekômme vonje ze Hub sterrezaat in het portûlke.

Eil, 2001 wie de minse al het vliegtuug noome; ginge de leeje van F.V. De Brandjblussers bal haoje in Wieërt. Nao aardig get beer en bôrreltjes vonje ze het tieëd om mer weer ins richting Eil te gaon. Aangekômme bie taxi kwome ze der achter det ze Rob van Hub van Sijr kwieët wore. Nao ein rûndje Oelemertj kwomen ze der achter det dae mesjien al huives waas gegange. 's-Mûrges vreug om ein oor of 8 ging de telefoon. Het waas Lenie. "Godmiljaar, woeë is ôs Rob toch?". "Dae zal waal in Hunsel bie de meid zitte", waerdje gezagt. Mer dao waas der auch neet. Ongertûsse in Wieërt ontwaaktj Rob in hetzelfde portûlke woeë vader Hub toendertieëd auch is wakker gewore. Gein bus om 8 oor te bekinne, dus den mer laupe. Nao ein aardige voottocht [zeekhoeës-gamma] vônj Rob det het tieëd waas om mer ins eine siësta te gaon haoje. Wie det der net weer in ziene twieëdje slaop waas, kwaam ein vruwke met heure hândj aan. Die meindje det der dao eine doeët waas gebleve en bêldje in paniek 112. Vieëf minute later eine herrie oppe Remundsjeveeg. Rob deej zich de uig mer ins ope. Dit kieër waas het geine taxichauffeur mer woore het ambulance-chaffeurs en politieagenten. Vader Hub waerdje opgetrômmeldj zoeëdet hae ziene zoon nao mèt nao hoeës kôst nûmme. Mer wae weete noeë waal det Rob het neet van eine vreemdje heet.

Mieërkeuzevraoge

Vraag ein.

Wat môs-se doen as-se eine dikke prieës wins?

- A Ein rundje gaeve.
- B Ein café aafheure en ein groeët fieëst gaeve.
- C Get oppe bank zêtte veur later.
- D Doe môs dien moel haoje.



Vraag twee.


Woeërom hûbbe de hieële zomer die kampwages oppe Bûsstraat gestange?

- A Bie Lemmenhof waas gein plaats.
- B Det waas ein idee vanne bûrgemeister.
- C Det waas ein veurstêl van Wim vanne Geut.
- D Het kosdje veul tieëd om Schansbeemden binne de bebouwdje kôm te kriege.

Vraag drie.

Weem zeen E.K. en allebei getrouwdj mêt T. ?

- A Det zêgge we neet.
- B Det is neet zoeë moeilik.
- C As wae het wiste zôje-wae het neet vraoge.
- D Gae môtj ederein in Ell effe naogaon, vanne Fuus tot en mêt Kunnebeemd.



Vraag veer.


Woeërom ligge bie Bart en Jeanne die huip zandj achter de boorderie?

- A Veur de stankcirkel tege te haoje.
- B Det is eine zandjbak veur Joost.
- C Det is ein trimparkoers.
- D Die waere straks gebroeëktj veur gate te vûlle.

Vraag vijf.

Wie haetj het noew complex aanne Scheijvenstraat?

- A "Aan de beukebaum"
- B "Buurt sjrueërzicht"
- C "Complex Niesgood"
- D "Good Nies"



Vraag zês.

Tjeu zeet det-ter volgendj jaor stoptj mêt de café. Waat geit gebeure?

- A Hae stoptj in December.
- B Hae luugtj weer de hêlft en stoptj in Juli.
- C Hae stoptj neet en verlingtj weer mêt ein jaor.
- D Hae geit al ieërder nao Tailand.

De antwoorde van veurig jaor zeen;

1 D, 2 B (en det is gelûktj!), 3 D, 4 D, 5 A+B+C+D, 6 D, 7 A

advertentie

BOEFIE

Dé specialist
in kinjerklei-jing



De haor doon of ... aete?

De mooder van Angelique kûmptj bie heur om zich de haor te laote indreije en geit alvast zitte. Angelique môt nog ieërst Sjors zien aete gaeve dus môt mam mer effe wachte. Angelique is den zoeë drûk mêt van alles en nog get det-ze neet inne gate heet wat-ze duit. Zoeë kos het gebeure det mooder opins mêt ein slabbertje veur zaat ... ??!!



Gek doen?

Jesper is ein bujelke. Op eine zekere aovundj kreeg-ter ruzie mèt eine jông dae neet van zien vriendin aaf kos blieve dus oppe door houdje-der dae vent flink veur zien moel. De zaak waerdje snel gesusjt, mer de volgendje daag haaj-der veul pieën aan zienne handj. Ank vroeg bezûrgdj, 'Waat heije noeëw weer gedaon?'. Jesper zagt, 'Nou, het waas hieël gezellig bie Siem. Mèt gek doen hûfdje ein van die jông mich op terwieël ich aan het zweije waas. Toen ich tege ein geluidsbox aan houwde môt ich mich pieën gedaon hûbbe!'. Mer Jesper haaj nog steeds pieën, dus mer nao het zekehoes haer. Dao aangekômme waerdje hae ôngerzocht en vertêldje-ze hum, 'Dat is een typische bokseers-breuk'. Ank geluifdje het allemaol waal en dao ging mer gein lempke branje. Noeë den waal Ank?



advertentie

Gaotj-der ins get dèkker op oet

Bieveurbieëldj nao
Café Bie Tjeu



Rotzooi oprume

Paultje van Zef haaj get volk mèt heives genome vanne houseparty van Hugo bie Siem. Ze hûbbe dao gezellig nog get eijer gebraoje en gedronke. Wie det-der 's-murges wakker waerdje oppe bank bleek det-ze hum as aanrêk haje gebroektj. Alle teijers, tasse en flesse loge bovenop hum. Toch sjoeën det minse op vandaag nog get van heure rotzooi oprume.



advertentie

Veur appele en paere
Gaotj nao Moors of nao Koppen



vers vanne baum

Wisj-der:

- det Sjan Heykers en Christian van Piet van Roy eine kieër op sunjigmûrge ginge oefene veur sing a song bie Suzanne van Knutsel An
- det Suzanne der achter kwaam det de keukskes en drank op wore
- det-ze gewoeën effe mèt die tweeë nao het tankstation reej ôm get te kaupe
- det Broer in Zwarbrook duit wat Hein in Ell duit
- det-ze allebei straotemakers van het werk aaf haoje
- det Broer dao zelfs de gezèt mèt hooldje in april
- det Albér alweer oetsjètj mèt ziene fietsewinkel
- det wae neet weite of det alweer neet doorgeit
- det Luuk Maes mer éine aoje mins kintj in Ell
- det det Zef vanne Slegter is
- det het alarm op het voetbalveldj waal degelik wirkjt
- det Jos Timmermans dao achter kwaam wie-der smûrges oppe tieëd de veldje woeëj gaon sproeje
- det Peter Heijkers dao auch achter kwaam wie-der 's-aoves laat woeëj oprume
- det Bûskesbos weer is ope gestêldj veur het publiek
- mer det nemes wêtj wie des-se der in môs kômme
- det 's-maondjessmûrges mèt vastelaovundj bie Jo al jaore spek en eijer aete is
- des-se dao neet wèg kums as-ter neet opgeruumptj is
- det-ter in Ell vosse gesinjaleertj zeen
- det wae nog neet gehueërdj hûbbe of al eemes kippe mistj
- det det vosse zônger streke zeen
- det Hans van Jacqueline van Magda ziene vrachtwage altied bie Hoover heet staon
- det-se dao de hieële tenk mèt diesel leeg gehooitj hûbbe
- det Wimke van Criens dao auch ziene oplègger heet staon
- det Wimke zûrg haaj det-se auch ziene tenk leeg zôje hole
- det Wimke toen aan die van het kamp vroeg of ze dao op woeëje lètte
- det die van het kamp zagte 'Jao det is good, wae gebroeke toch geine diesel!'



Noew zûk

Linda, inmiddels 19 jaor gewore, ging veur ut iêrst allein nao de groeëte stad ôm zich noew zûk te kaupe. Ze belandje bie de Wibra en zagt zich veur heur veutjes (maot 41) ein paar sjoeën zûk oet van Jip en Janneke. 'Die passe mich waal', dacht-ze en vertrocht weer. Mer wiej-ze ze aan woeëj trêkke keek ze toch mer ins waat noeë precies op het kaartje waas gesjreeve. "Kinjer-knie-kouse, veur kinjer van 4 tót 6 jaor".



advertentie

LAST VANNE VEUT

Den snel nao Wies,
Toos of Bep



Hubtj gae
kabelwerk ?
Den is
van Geleuken sterk.



De Kwakel

Lei en Lei(ke)

Lei en Lei(ke) zeen twee òngernum-mendje minse die same in zake zitte. Veur dees zake weurdj nogal ins gereisdj en meital riedtj Lei òmdet hae de dikste wage heet. Op eine goje daag wore ze weer op zakenreis gewaestj en haje met de klantje inkele potte môtte nuttige. Den zólse net zeen det de pliesie klaor steit en de minse in ein foek lieëtj riej, zoeëdet ze ze allemaol recht inne auge kônne kieke en kônne laote blaoze. Lei sluitj aan inne riej en hae is nummer zeve. En toen ginge de herses op volle toere wirke. We hûbbe-der net eine te veul gedronke en kônne het risico op ein perces neet laupe. Wissele van chauffeur ging neet want Leike zaat auch boven het kwantum. En waat ein lumineus idee is toen òntstange! Ze ginge allebei achterin de groeëte sleij van dae wage zitte en de deur aanne chauffeurskantj bleef ope. Wie de zes autoos veur heur weg wore, stông de plies te winke det de firma Lei en Lei door môst riej. Mer dao gebeurde niks. Kumptj dae pliesieman get korterbij en zuut det der geine chauffeur in zitj, mer waal tweeë passagiers. 'Waat is det hie?' vreugtj de blauwe. 'Jae,' zeet Lei, 'det is get nets hie. Miene chauffeur is-ter tûssenoet! Wae hûbbe get teveul gedronke en lete òs netjes riej. Mèt wie wae hie aan môste sloete, is dae chauffeur zonger ein woord te zegge der tûssenoet gegange. Of hae zelf teveul gatj haaj. Ich hûb-ter niks van gemerktj, mer hae is der tûssenoet. Dae zal ich nog ein zwaor pieëp laote rauke!' 'Jao mer dae auto môt hiej weg,' zeet dae pliesieman. 'Sorry,' zeet Lei, 'mer ich kroep neet achter het steur. Gae zûrgtj mer det der eine chauffeur of eine taxi kumtj, mer ich riej neet as ich gedronke hûb!'



advertentie

Gaotj-der ins get dèkker op oet

Bieveurbieëldj nao
De Bachelorclub



Wisselbeker

Het is al jaore de gewueëndje bie de optocht det de deilnummer(s) met het hoeëgste aantal puntje de wisselbeker kriegtj. Dao besteit auch de regel det degene dae de wisselbeker drie kieër achterein of in totaal vief kieër wintj, de beker maag haoje. Aafgeloupe jaor zaag het optochtcomité ein probleem ontstaon òmdet buurt Kunnekoel de kans haaj òm de wisselbeker veur de viefdje kieër te winne. Waat den? Inderdaad, den moge-ze HUM haoje! Penningmeister Jan Verstappen vônj det ein prima idee, want hae woeëj auch ins eine angere beker en hae waas al haost bie de sponsor van de bestaondje beker gewaestj òm eine noewe te regele. Mer good det hae det neet heet gedaon want wie buurt Kunnekoel te hueëre kreeg det-ze de wisselbeker mocht haoje, besloot dees buurt spontaan bie de priesoetreiking òm de wisselbeker trûk te sijnke. Noeë maag de vastelaovesvereniging de beker weer haoje. Het is toch get as-se geine priezekast hûbs.



advertentie

De mik, de bruuëdjes, de vlaai
Alles is dao zoeë lekker

Natuurlik bie Thijs,
Ôze werme bekker



Tweeë trotse omaas

Tweeë noeëw omaas die dein en danger felicitere kan auch gesprekstof oplevere, zeker as-ze op de kaarte die ze sjrieëve auch nog get steuke. Theo en Miek vanne Sijlder zeen al get langer opa en oma van Femke. Toen Mia en Wim vanne Geut groeëtaojers waerdjen van Bjorn sjreef Miek naturelik ein kaertje mèt alle nueëdige gelûkwins en det-se der mer van môtte geniete. Mer op het kaertje van Miek sting auch, '... Wae kinne waal al mèt Femke gaon fietse deze zomer. Gae nog neet. En òs Erik woeëntj korter bie ...'. Sjenbaar waas Mia toch ein bietje oppe tieën getroje door die opmerking. Ze pakte het geboortekaertje van Bjorn en sjreef der op, '... Ich woeëj dich toch effe zègde det wae al drek eine stamhaojer hûbbe en det môtj gae nog mer aafwachte. As Bjorn die anger daag nao opa en oma op vakansie wiltj kômme den is det ein hieël reis. Mer as Femke bie juch op vakansie kumtj, den kan-ze zelf inne gang weer heives laupe. Daorôm bèn ich bliej det Maurice neet zoeë kortbij woeëntj. Aevegood nog eine dikke perficiat mèt uch kleinkindtj. PS: Gaotj fietse !!!!! ...' Verder kinne de omaas good mèt dein en danger opsjetje.



Good geflote

Peter van Wiel van Toeëm waas lèst ziene zöveulste wedstrieëd aan het fluite veur òs voetbalclub. Dae duit det al herstikke good mer toch blieve sôms dinger ònduudelik veur toesjouwers en geblesseerdje die den langs de kantj de wedstrieëd staon te volge. Lèst bie juch het viefdje, de wedstrieëd waas 10 minute aod, float Peter weer ins en sting mèt ziene handj òmhoeëg. 'Woeë flûtj-der noeë veur?', vreugtj Sé van Miet aanne rest, 'Is det veur de lèste minuut?'. 'Nae', zeet Leon van Kessels der drek bovenop, 'Veur de ieërste helft!'



GSM-foutje

Meister Roume ging mèt, mèt oetstepke vanne sjoel nao de Efteling. Hae haaj ziene GSM bie zich òm bereikbaar te zeen in geval van kalamiteiten. Verder kreeg ederein ein kaertje mèt woeë het nummer van dae GSM op sting. Alles waas good geregeldj tot op het moment det-se hum woeëje belle, want nemes kreeg gehueër. Later bleek det de batterie van dae GSM leeg waas en det-se ziene voice mail koste inspraake.

advertentie

Veur als uch loeënwerk
Snel, good en neet deur



Dao hûbbe wae Harrie v/d Looy toch veur

MIES

Dao kumtj eine mins binne bie Tjeu en dae zètj zich. 'Hèts-dich Mies?', vreugtj Tjeu. 'Jao, ich heit Mies!', zeet dae mins. Vreugtj Tjeu, 'Mies, bès-se good verzekerjt?'. Mies, 'Wiezoeë?'. 'Want Pietje (van Nol) geit darte'. 'Oh, den gaon ich waal ein bietje aanne kantj'. Pietje; 'Jao, dae duit mer, ich raak-um aevegood!'



Bie Tjeu gehuuërdj. . .

Dao zitte der ein paar aanne tap te zeivere euver autoos. Tjeu; 'Dae auto van aoje Larry heet auch veul gelaupe. Dae heet-um nao 8000 kilemêter môtte laote doorsmere'. 'Waot den Tjeu?', vreugtj eemes, 'ziene auto?'. 'Nae', zeet weer eine angere, 'zien môndjl'.



Snelle hap en leipse friet

Roger van Creemers verrèkdje vanne honger en haaj zin in ein lekker shoarmasjöttel. Zien vriendin haaj gehuuërdj det dae in Heur hieël lekker môst zeen, dus hae nao Heur hèr. Dao aangekômme bestêldje hae zich 2 sjöttels en reej zoeë snel meugelik weer trûk nao Ell. Ter huuëgdje vanne Haelder Pieël kumtj-er der achter det-ter zien shoarma's neet inne auto heet gezatte nao het instappe. Snel trûk dus en inderdaad, oppe parkieërplaats stinge de sjöttels nog te wachte. Wae weite neet wie lekker det det aete waas wie-der oeteindelik trûk waas.



Waal huuëre

Toos van Thijs waas dinsdig mèt Ell-kirmis bie "From USA", inne regio eine bekindje muziekgroep. Zeet-se op ein gegaeve moment, 'Ich bin bang det ich mûrge niks mieër huuër'. Zeet eine angere, 'Det is neet erg!'. 'Jaowaal', zeet Toos, 'Ich wil alles huuëre'.

Ieëskluntjes

Corry van Pleunis wètj noeë auch weer hoe ze van water ieëskluntjes kan maake. Dao zeen van die henjige zekskes veur die-se môs vûlle en toeknuipe. Mer Corry kôs de bovekantj neet vinje want dao zaat geine sjeurrandj aan. 'Weer ein of anger noew siesteem', dacht Corry. Mer Corry waas neet veur ein gaat te vange en vûldje det zekse gewoeën mèt water en plekdje het toe mèt plekbandj. Het gevolg waas det-se eine klomp ieës inne diepvries vônj in plaats van ieëskluntjes. As-se den mer groeëte glaze hûps geuftj het nog niks!



advertentie

Hubtj gae last van uch spiere in de bein of inne nek. Den is Beekman de juuste plek.



Video

Ron van Miet kocht eine videospeuler mèt de gemèkkelikste bedening. Films aafspeule ging dus waal, mer opnûmme vlodje nog neet erg. Dao kwaam snel verangering in toen Ron duudelik gemaaktj waerdje det-ter ieërst de zenders môst instèlle op det dink.



advertentie



Gein gèldj mieër inne tes mèt dees daag. Laup den mer bie de Rabobank nao binne. Want dao kins-se daag en nacht pinne.

Wiesheit

As-se 21 versnellinge hûbs, hûb-se auch 21 vertragungel!



Lintje

Tjeu vanne Kaolder haaj auch dit jaor weer gein lintje gekrege en veural hae zelf vônj det-ter ein verdeentj haaj. Paul vanne Prairie deej nog get olie op het veur door te zègge det Tjeu dao tege in beroep kos gaon. Mer vanne angere kantj vindj Paul auch det Tjeu al te dèk door het lintj is gegange.



advertentie



Konsert



Vanne zomer heet op eine zunjig-mûrge de fanfaar ein konsert gegaeve bie de Prairie oppe parkieërplaats. De zôn sjeen al oppe tieëd en omdet het zoeë werm waas drônk ederein "Icetae". Op ein gegaeve moment wore de glaze veur dit drenkske op en môst Paul der bie gaon hole. Paul haaj dao neet op gerèkentj en zagt: 'Det-se smûrges toch beer drinke verdorie!'



advertentie



ringe sierade këttinge

'T is al goud wat blinktj bie de

GOLDCORNER

PROKLAMASIE

VAN JEUGDPRINS DIRK EN JEUGDPRINSES DANIËLLE

Ich, jeugdprins Dirk
 Ich, jeugdprinses Daniëlle
 Wille uch wat vertelle
 Det wae ôs veur gaon stelle

Ich bin jeugdprins Dirk
 Zoon van Koos van Nies Jang
 en Truus van Reinkes Theu

Ich bin jeugdprinses Daniëlle
 Dochter van Gart Geeraths vanne Biest
 En Eveline van Jos van Weverdriekske en Leny Daemen

Woeëne doon ich oppe Hoeëgstraot
 in ein natuurlik gebied
 Same mèt pap, mam en Jan . . . kei-sjiek!!

Ich woeën oppe Seringenstraot, midden in't tûrp
 Same mèt pap, mam en mien breurke Niels
 Of te wel . . . Ronaldo

Voetballe doon ich bie RKESV
 Same mèt mien vrinj in de D
 Dao doon ich de bal good rake
 Ôm zoeëveul meugelik goals te make

In miene vrie-je tieëd doon ich volleyballe
 Bie Bach SV in Ell
 Dao slaon ich mien partieëke wel

Inne zomer laup ich bie de sjôtterie stevig in't pak
 Bin tamboer en hauw de marsen op mieën gemak

Ich kan good zingen, det is mieën gelûk
 Det doon ich in't kuurke
 en zing de minse inne kirk vanne sûk

Auch bin ich nût op geldj
 Maak den eine deal mèt Jan
 en astj môt mèt veul geweldj

Auch ich gaon gaer mèt vriendinne nao de stad
 En kaup ôs mam heur portemonnee herstikke plat

Ôm de kirk te eren doon ich pestoeër inne mès assistere
 Det vinj ich hieël fijn en en kloek aaf en toe vanne wijn

Bliej bin ich mèt opa en oma op het plein
 Laup dao op en aaf
 Mer det vinje die minse auch fijn

Mèt dees daag wille wae uch vraoge
 Dootj mèt ôs mèt vanne aovundj tót aanne morg
 Same mèt ôs adjudante Paul en Karlj
 De groeëte prins, de vorst en de raod
 Det vinje wae fijn

Den kan deze vastelaovundj neet mieër kepot
 En zègge wae tót slot

Mèt de €uro ômme nek
 Doon wae drie daag gek

JEUGDPRINSENBAL

Op het jeugdprinsenbal hùbbe wae aafsjeid genoome van jeugdprins Sven en jeugdprinses Daphne en auch vanne jeugdraod. Jônges en maedjes, bedanktj veur ein fantasties jaor! De Radio Manuel Disco Show zûrgdje veur leuke muziek, veul kinjer (en auch get volwassenen) oppe dansvloer en aaf en toe get knauwel der tûsse-door. D'r woore auch ein aantal fantastiese optraejes. Saskia, Judith en Carolien ginge blub-blub mèt de wisselbeker aanne haal. Proficiat! Auch Kelly & Britt en Anouk & Julia deeje het geweldig good. Het hoeëgtepuntj waas het oetroope vanne noeëwe jeugdprins en jeugdprinses. Vanachter ein groeëte Euro-wandj kwoome oeteindelik Dirk en Daniëlle teveursjien als jeugdprins en jeugdprinses vanne Moerebuuk. Wae winse uch alle gelûk en hieël veul plezeer dit kômmendje vasteloavesseizoen.





Wae winse uch
eine plezeerige
vastelaovundj!